

**Барча департамент директорлари ва  
мустақил бошқарма бошлиқларига**

**Барча филиал бошқарувчилари  
ва МАБ бошлиғига**  
(нусахаси филиал юристига)

Сизга “Туронбанк” Бошқарувнинг 2020 йил 16 январдаги 5/6–сонли қарори билан тасдиқланган ““Туронбанк” АТБ тизимида харид қилиш тартиб-таомилларини ташкил этиш ва ўтказиш тартиби тўғрисидаги Низом” (**ички меъёрий ҳужжат рўйхат рақами №732**) ижро ва ишда амал қилиш учун (электрон почта орқали) юборилмоқда.

Мазкур низом билан бекор қилинган Бошқарувнинг 2018 йил 23 октябрдаги 119/3-сонли қарори билан тасдиқланган ““Туронбанк” АТБ тизимида харид қилиш тартиб-таомилларини ташкил этиш ва ўтказиш тартиби тўғрисидаги Низом” (**ички меъёрий ҳужжат рўйхат рақами №654**) ўз кучини йўқотиб, тегишли йиғмажилдлардан чиқариб олиб, ички меъёрий ҳужжатнинг биринчи титул варағига унинг қачон ва қайси ҳужжат асосида ва қайси санадан бошлаб ўз кучини йўқотганлигини сиёҳли ёки шарикли ручкада меъёрий ҳужжатларни сақланиши ва ўрганилиши бўйича маъсул шахс (юрист)нинг имзоси билан қайд этган ҳолда алоҳида йиғмажилдга тикиб қўйилишини таъминлашини ҳамда ижрочиларни таништиришини сўраймиз.


Мазкур тартибни Марказий банкнинг амалда бўлган №501-сонли «Ўзбекистон Республикаси ҳудудидаги банклар томонидан меъёрий-ҳуқуқий ҳужжатлар билан ишлаш, ижрочиларга етказиб бериш, уларни ўрганишни ташкил этилиши юзасидан назоратни ўрнатиш борасидаги услубий кўрсатмалар»и талаблари асосида рўйхатга олиш, ижрочиларга етказиб бериш, январ ойи техник ўқувлар режасига киритиб, банкнинг барча ходимларининг ўрганишини ташкил этиш ва амалдаги рўйхатига киритишини ҳамда тегишли йиғмажилдларга тикилган ҳолда сақланишини таъминлаш вазифаси юклатилади.

Илова: \_\_\_ варақда

**Банк аппарати раҳбари**

Ижрочи: У.Султонова  
Тел: 168, 169

**О.Р.Эргашев**



**“ТУРОНБАНК” АКЦИЯДОРЛИК ТИЖОРАТ БАНКИ**  
**БОШҚАРУВИ ҚАРОРИ**

2020 йил “16” январь

№ 5/6

Тошкент ш.

**““Туронбанк” АТБ тизимида харид қилиш тартиб-таомилларини ташкил этиш ва ўтказиш тартиби тўғрисидаги Низом”ни тасдиқлаш юзасидан**

**БОШҚАРУВ ҚАРОР ҚИЛАДИ:**

1. “Туронбанк” АТБ Банкни стратегик ривожлантириш ва маркетинг департаменти директори в.в.б. Р.Ш.Файзиевнинг ““Туронбанк” АТБ тизимида харид қилиш тартиб-таомилларини ташкил этиш ва ўтказиш тартиби тўғрисидаги Низоми” ишлаб чиқилгани тўғрисида берган ахбороти маълумот учун қабул қилинсин.

2. “Туронбанк” АТБ тизимида харид қилиш тартиб-таомилларини ташкил этиш ва ўтказиш тартиби тўғрисидаги Низоми” иловага мувофиқ тасдиқлансин.

3. Банк аппарати (О.Эргашев) зиммасига мазкур Низомни ўрнатилган тартибда рўйхатга олиб, барча департамент, мустақил бошқарма ҳамда барча филиаллар(МАБ)га ишда амал қилиш учун юбориш вазифаси юклатилсин.

4. “Туронбанк” АТБ Бошқарувининг 2018 йил 23 октябрдаги 119/3-сонли қарори билан тасдиқланган ““Туронбанк” АТБ тизимида товарлар (ишлар, хизматлар)ни харид қилиш тартиби тўғрисида Низоми” (рўйхат рақами 654) ўз кучини йўқотган деб ҳисоблансин.

5. Ушбу қарор ижросини назорат қилиш Бошқарув Раиси ўринбосари А.Т.Рискулов зиммасига юклатилсин.

**Бошқарув Раиси**

  
**Ч.С.Мирзаев**

432 - сон билан  
рўйхатга олинган

“ТАСДИҚЛАНГАН”  
“Туронбанк” АТБ  
Бошқарувининг  
“ 16 ” январь 2020 йилдаги  
5/6 сонли қарори билан

“Туронбанк” АТБ тизимида харид қилиш тартиб-таомилларини ташкил этиш ва ўтказиш тартиби тўғрисидаги

**НИЗОМ**  
(янги таҳрирда)

Мазкур Низом Ўзбекистон Республикасининг «Давлат харидлари тўғрисида»ги Қонунига мувофиқ (бундан буён матнда Қонун деб юритилади) “Туронбанк” АТБ тизимида харид қилиш тартиб-таомилларини ташкил этиш ва ўтказиш тартибини белгилайди.

**I. Боб. Умумий қоидалар**

1. Мазкур Низомда қуйидаги асосий тушунчалардан фойдаланилади:

**аванс тўлови** — қонун ҳужжатларида белгиланган тартибда буюртмачи ва харид қилиш тартиб-таомиллари иштирокчиси томонидан киритиладиган, операторнинг воситачилик йиғимини ва томонларнинг закатини ўз ичига олган молиявий маблағлар суммаси;

**буюртмачи** – ўз эҳтиёжи учун товарлар (ишлар, хизматлар) харидларини амалга оширувчи “Туронбанк” акциядорлик тижорат банки ва филиаллари (бундан буён матнда буюртмачи деб юритилади);

**харидлар тўғрисидаги шартнома** — банк харидлари бўйича ҳуқуқлар ва мажбуриятларни белгилаш, ўзгартириш ёки бекор қилиш тўғрисида буюртмачи ва банк харидларининг ижрокчиси ўртасида тузиладиган битим;

**ягона етказиб берувчи** — табиий монополия субъекти, Ўзбекистон Республикаси Президентининг алоҳида фармонларида, қарорларида ва фармойишларида ёки Ўзбекистон Республикаси Вазирлар Маҳкамасининг қарорларида белгиланган субъектлар, шунингдек банк томонидан харид қилинаётган, бозорда муқобиллари мавжуд бўлмаган ноёб товарларни (ишларни, хизматларни) етказиб берувчи;

**танлов** — шартномани бажариш бўйича энг яхши шартларни таклиф қилган иштирокчи ғолиб деб топиладиган харид қилиш тартиб-таомилини амалга оширишнинг тури;

**танлов таклифи** — танлов ҳужжатларида белгиланган шартларга мувофиқ иштирокчининг танлов предметига нисбатан тақдим этиладиган таклифи;

**лот** — турли белгилари бўйича гуруҳлаштирилган (фойдаланиш, техник ва функционал хусусиятларига кўра) бир хил турдаги товарларнинг жамланмаси сифатида буюртмачи томонидан белгиланган ва алоҳида шартнома бўйича харид предметининг миқдорий қисми;

**таклифни таъминлаш** — буюртмачининг талабига биноан иштирокчи томонидан таклифлар ва мажбуриятларнинг гаров, кафолат, закат тарзида ёхуд қонун ҳужжатларида назарда тутилган бошқа усулда таъминланиши;

**шахсий кабинет** — электрон банк харидларида иштирок этишни ҳамда зарур ахборотни жойлаштиришни ва ундан фойдаланишни таъминлайдиган, буюртмачи ёки харид қилиш тартиб-таомили иштирокчисининг махсус ахборот порталдаги индивидуал саҳифаси;

**режа-жадвал** — товарлар (ишлар, хизматлар) харидининг ҳажмлари ва жойлаштириш муддатларини назарда тутувчи ҳужжат;

**банк харидлари бўйича тўғридан-тўғри шартнома** — махсус ахборот порталида рўйхатга қўйилиши шарт бўлган, банк харидлари бўйича ҳуқуқлар ва мажбуриятларни белгилаш, ўзгартириш ёки бекор қилиш тўғрисида буюртмачи ва банк харидларининг ижрочиси ўртасида тузиладиган битим;

**қадам ўлчови** — нархни пасайтириш учун аукционнинг бошланғич нархнини ёки олдинги иштирокчи нархининг фоиз билан белгиланадиган камайтириш пул миқдори;

**ҳисоб-китоб-клиринг палатаси** (бундан буён матнда ХККП деб юритилади) — аванс тўловларини депонентлаш ва уларни ҳисобга олиш йўли билан шартномалар бўйича мажбуриятларни бажара оладиган иштирокчиларни электрон харидларга киришини таъминловчи махсус ахборот порталининг таркибий бўлинмаси;

**ягона етказиб берувчилар реестри** — ваколатли орган билан келишилган ҳолда махсус ахборот портали оператори томонидан юритиладиган ахборот ресурси;

**захира ижрочиси** — тегишли харид комиссиясининг қарори билан танлов ёки тендер ғолибидан сўнг танлов ёки тендер таклифи энг яхши деб топилган танлов ёки тендер иштирокчиси;

**махсус ахборот портали** (бундан буён матнда портал деб юритилади) — операторнинг давлат харидлари ўтказилишини, давлат харидлари тўғрисидаги эълонлар, давлат харидлари яқунлари, харид қилиш тартиб-таомиллари иштирокчиларининг таклифлари ҳақидаги ахборотнинг ва қонун ҳужжатларида назарда тутилган бошқа ахборотнинг электрон шаклда жойлаштирилишини ва кўрилишини, шунингдек электрон давлат харидлари ўтказилишини таъминловчи веб-сайти ва махсус электрон платформаси;

**табiiй монополия субъекти** — табiiй монополия шароитларида товарларни (ишларни, хизматларни) ишлаб чиқариш ва/ёки реализация қилиш билан банд бўлган хўжалик юритувчи субъект (юридик шахс);

**тендер таклифи** — тендер ҳужжатларида белгиланган шартларга мувофиқ тендер предметига нисбатан иштирокчининг таклифи;

**банк харидлари соҳасидаги ваколатли орган (бундан буён матнда ваколатли орган деб юритилади)** — Ўзбекистон Республикаси Молия вазирлиги;

**электрон тизим** — барча манфаатдор шахслар фойдалана оладиган, харидларни ўтказишни таъминловчи дастурий-техник комплексидан фойдаланган ҳолда харидлар жараёнлари иштирокчилари ўртасида товарлар (ишлар, хизматлар) хариди учун буюртмаларни жойлаш тизими;

**электрон харидлари** — электрон дўкон ва бошланғич нархни пасайтириш учун ўтказиладиган аукцион каби махсус ахборот порталининг дастурий-техник комплекси орқали ахборот-коммуникация технологиялари воситасида банк харидларини амалга ошириш усуллари.

2. Харид қилиш тартиб-таомилларини амалга ошириш турлари қуйидагилардан иборат:

электрон дўкон;

бошланғич нархни пасайтириш учун ўтказиладиган аукцион;

танлов;

тендер;

ягона етказиб берувчи билан амалга ошириладиган банк харидлари.

банк харидлари электрон шаклда амалга оширилиши мумкин.

3. Харидларга тайёргарлик ўз ичига қуйидагиларни олади:

порталда харидларнинг йиллик ва чораклик режа-жадвалларини жойлаштириш;

порталда харидлар ўтказилиши ҳақидаги эълонларни жойлаштириш;

буюртмачилар ва харид жараёнлари иштирокчилари (бундан буён матнда иштирокчи деб юритилади) томонидан харидларда уларнинг иштирокини таъминловчи аванс тўловларини киритиш.

4. Порталда жойлаштириладиган режа-жадвал қуйидаги маълумотларни ўз ичига олиши керак:

харид предмети;

харид ўтказиладиган ой;

буюртмачининг номи ва манзили;

харид предметини молиялаштириш манбалари;

товарларни етказиб бериш, ишларни бажариш ва хизматларни кўрсатиш жойи (манзили), муддатлари ва шартлари.

5. Ўзбекистон республикаси Президентининг 2018 йил 27 сентябрдаги “Ўзбекистон Республикасининг «Давлат харидлари тўғрисида»ги қонунини амалга ошириш чора-тадбирлари тўғрисида”ги ПҚ-3953-сонли Қарорига мувофиқ қуйидаги харид қилинадиган товарлар(ишлар,хизматлар) тўғридан-тўғри шартномалар бўйича харид қилинади:

- Қонун ҳужжатларига мувофиқ Ўзбекистон Республикасининг алоҳида махсус савдо майдончаларидаги электрон (биржа) савдолари натижаларига кўра харид қилинадиган товарлар (ишлар, хизматлар).
- Буюртмачи фаолиятини амалга ошириш билан боғлиқ хизмат сафарлари учун ва бошқа ҳолатлардаги чипталар (авиа, темир йўл ва йўналиш транспортига).
- Буюртмачи фаолиятини амалга ошириш билан боғлиқ хизмат сафарлари ва бошқа ҳолатлардаги яшаш харажатлари.
- Аввал тузилган шартномалардаги етказиб берувчилар билан алоқа, интернет ва телерадиоузатиш хизматлари бўйича харидлар.
- Бошқа етказиб берувчи томонидан хизмат кўрсатиш имконияти бўлмаган тақдирда, етказиб берувчи томонидан аввал олиб келинган товарлар (ишлар, хизматлар)га кафолат муддати тугагандан кейин ва жорий хизмат кўрсатиш (эҳтиёт қисмларни харид қилиш), шунингдек, аввал харид қилинган дастурий маҳсулотни кузатиш ва (ёки) уни функционал кенгайтириш.
- Банк (банклараро) хизматлар ва операциялар.
- Муаллифлик назорати (ҳамроҳлиги) бўйича хизматлар.
- Вазирлик (идора, муассаса) ва унинг таркибидаги ташкилот (муассаса) ўртасида товарлар (ишлар, хизматлар)нинг харид қилиниши.
- Спорт, маданий-оммавий тадбирлар, кўргазмалар, ярмаркалар, анжуманлар, семинарлар ва ўқув машғулотларини ташкил этиш ҳамда ўтказиш учун бинолар, иншоотлар ва асбоб-ускуналарни ижарага олиш.
- Хорижий мамлакатлар ва халқаро ташкилотларнинг расмий делегациялари ташрифларини таъминлаш (меҳмонхона, транспорт хизматлари кўрсатиш, асбоб-ускуналарни ижарага олиш, озиқ-овқат таъминоти, таржимон хизмати), эсдалик сувенирлари, совғалар, гуллар ҳамда гул билан безатиш, ваколатхоналар учун қабуллар (кечки овқат, фуршет, кофе-брейк ва бошқалар) ўтказиш, концерт дастурлари, баннерлар ва буклетлар тайёрлаш, шунингдек, Ўзбекистон Республикаси давлат делегациясининг хорижий мамлакатларга ташрифи билан боғлиқ харажатлар.
- Оммавий ахборот воситаларида реклама хизматлари, мақолалар чоп этиш ҳамда матбуот конференциялари, брифинглар, мавзули телекўрсатувлар ва бошқа тадбирларни ўтказиш.
- Эпидемияга қарши (шу жумладан ветеринарияга оид) препаратлар, қишлоқ хўжалиги зараркундаларига қарши курашиш учун кимёвий воситалар, шунингдек, фавқулодда ҳолатларда ваколатли органлар томонидан

тасдиқланадиган табиат ҳодисалари, эпидемиялар, касалликлар тарқалишининг олдини олиш ёки унинг оқибатларини бартараф этиш учун бошқа зарур товарлар (ишлар, хизматлар).

- Турар ёки нотурар жойни (иншоотни) харид қилиш ёки ижарага олиш, шунингдек унинг таъминоти бўйича эксплуатация харажатлари.
- Табиий офатлар ва техноген ҳалокатлар оқибатларини бартараф этиш;
- Буюртмачининг тўлақонли фаолият олиб боришига таъсир кўрсатувчи коммуникациялар, механизмлар, жиҳозлар ва бошқа асбоб-ускуналарнинг ишдан чиқиши ҳолатларида аварияларни бартараф этиш учун товарлар (ишлар, хизматлар).
- Даврий нашрлар (газеталар, журналлар)га, шу жумладан уларнинг электрон вариантларига обуна бўлиш.
- Мажбурий суғурталаш бўйича хизматлар.
- Ўзбекистон Республикаси Соғлиқни сақлаш вазирлиги томонидан Ўзбекистон Республикаси Президенти ҳузуридаги Лойиҳа бошқаруви миллий агентлиги билан келишилган ҳолда тасдиқланадиган рўйхат бўйича дори воситалари ва тиббиётда қўлланиладиган буюмлар.
- Маданий-оммавий тадбирларга чипталар.
- Ўзбекистон касаба уюшмалари Федерацияси Кенгаши, вазирликлар, идоралар ва давлат корхоналарининг сиҳатгоҳлари ва соғломлаштириш муассасаларига, шунингдек, болалар соғломлаштириш оромгоҳларига йўлланмалар.
- Ўзбекистон Республикаси ишлаб чиқарувчилари ёки уларнинг расмий дилерлари ва дистрибьюторларидан харид қилинган янги автотранспорт воситалари, махсус ва қишлоқ хўжалиги техникалари.
- Бензин, суюлтирилган ва сиқилган газ, дизель ёқилғиси ва кўмир маҳсулотлари.
- Ўзбекистон Республикаси Вазирлар Маҳкамасининг захира фондидан, Қорақалпоғистон Республикасининг республика бюджети, вилоятларнинг вилоят бюджетлари, Тошкент шаҳрининг шаҳар бюджети, туман ва шаҳарлар бюджетлари захира фондларидан ажратиладиган маблағлар ҳисобидан харид қилинадиган товарлар (ишлар, хизматлар).
- Муаллифлик ҳуқуқи учун мукофотлар (муаллифлик гонорари).
- Махсус ва хизмат автотранспорти воситаларини, шунингдек, тиббиёт ускуналарини таъмирлаш бўйича хизматлар.
- Мамлакатимиз, ҳукуматимиз раҳбарлари, хорижий давлатлар ва ҳукуматлар бошлиқлари ҳамда уларнинг вакилларининг қабуллар уйига ташрифи билан боғлиқ бўлган товарлар (ишлар, хизматлар), шу жумладан уларнинг яшаши, овқатланиши, ташкилий масалаларни ҳал этиш ва ушбу мақсадлар учун кўзда тутилган бошқа харажатлар.
- Халқаро ва давлатлараро даражадаги тадбирларни ташкил этиш ва ўтказиш билан боғлиқ харажатлар.
- Шартнома бўйича унинг умумий бошланғич суммасининг 10 фоизидан ошмайдиган миқдордаги қўшимча иш ва хизматларни амалга ошириш учун харажатлар.
- Ўзбекистон Республикаси Давлат активларини бошқариш агентлиги ва унинг ҳудудий бўлинмаларига, шу жумладан хорижий ташкилотлар томонидан кўрсатиладиган хусусийлаштириладиган ёки хўжалик жамиятларининг устав фондларига давлат улуши сифатида ўтказиладиган давлат активларини баҳолаш хизматлари.
- Давлат акциялар (улушлар) пакетларини сотиш ҳамда маҳаллий ва хорижий фонд биржаларида IPO (SPO) бўйича эмиссияларни жойлаштириш учун жалб қилинадиган инвестиция воситачилари, маслаҳатчилари, шу жумладан хорижий

маслаҳатчиларнинг Ўзбекистон Республикаси Давлат активларини бошқариш агентлиги ва унинг ҳудудий бўлинмаларига кўрсатадиган хизматлари.

- Ўзбекистон Республикаси ўрмон хўжалиги давлат қўмитаси тизимидаги ташкилотлар томонидан етиштирилган кўчат ва ниҳоллар.
- Ходимлари умумий сонининг камида 50 фоизи ногиронлиги бўлган шахслардан иборат ва ногиронлиги бўлган шахслар меҳнатига ҳақ тўлаш фонди умумий меҳнатга ҳақ тўлаш фондининг камида 50 фоизини ташкил этадиган ягона иштирокчиси ногиронлиги бўлган шахсларнинг жамоат бирлашмалари ҳисобланган юридик шахслардан, улар учун белгиланган тартибда ажратилган квоталар доирасида товарларни (ишларни, хизматларни) харид қилиш.
- Ўзбекистон Республикаси Президенти Администрациясининг Давлат резиденцияларига хизмат кўрсатиш ва тадбирларни ташкил этиш бошқармаси тузилмасига кирадиган давлат резиденциялари ҳудудларини ободонлаштириш ва кўкаламзорлаштириш учун ҳукумат қарорлари ва топшириқлари асосида, шу жумладан пудратчилар томонидан, ушбу мақсадларга ажратилган маблағлар ҳисобига товарлар (ишлар, хизматлар) харид қилиш.

Юқоридаги товарлар (ишлар, хизматлар)ни кейинчалик улар тўғрисидаги маълумотларни (тўғридан-тўғри имзоланган шартномалар электрон нусхаси) ташаббускор бўлинма шартнома тузилган санадан бошлаб 1 кундан кечиктирмасдан Банкни стратегик ривожлантириш ва маркетинг департаментида тақдим этади. Департамент маъсул ходими (филиал бош бухгалтер ўринбосари) давлат харидларининг махсус ахборот порталига ушбу маълумотларни 3 кундан кечиктирмасдан жойлаштиради.

## **II. боб.Электрон банк харидларини ўтказишнинг умумий шартлари**

6. Буюртмачи ва иштирокчилар ҲҚКПдаги шахсий ҳисобварақларига аванс тўловларини киритганларидан сўнг электрон банк харидларига (бундан буён матнда электрон харидлар деб юритилади) қўйилади.

7. Буюртмачи ва иштирокчилар электрон харидлардаги иштирокларини электрон рақамли имзоларидан (бундан буён матнда ЭРИ деб юритилади) фойдаланган ҳолда амалга оширади. Буюртмачи ва иштирокчи томонидан ЭРИдан фойдаланиш, электрон тизимда тузиладиган шартномаларни ҳақиқий деб топиш учун асос бўлиб ҳисобланади.

8. Буюртмачи ва иштирокчи томонидан киритилган закат шартнома мажбурияти бажариладиган вақтга қадар ёки шартнома қонун ҳужжатларида белгиланган тартибда бекор қилинганга қадар хатлаб қўйилади, бундан 9-бандда белгиланган ҳоллар мустасно.

9. Иштирокчиларнинг закатати бошқа иштирокчилар томонидан пастроқ нархдаги таклиф берилганга қадар хатланади.

## **III. боб.Электрон дўкондан фойдаланиш**

10. Банк эҳтиёжлари учун товарлар (ишлар, хизматлар) электрон дўкондан харид қилинганда ташаббускор бўлинма томонидан Банк бошқаруви Раиси ўринбосари (филиал раҳбари)га тақдим этилган билдиришномаси асосида амалга оширилади. Ташаббускор бўлинма томонидан барча зарур ҳужжатлар яъни товарлар (ишлар, хизматлар) бўйича батафсил маълумот махсус ахборот портали электрон дўконида харид қилиш учун банкнинг Ишлар бошқармаси (филиал бош бухгалтер ўринбосари)га тақдим этади. Махсус ахборот порталига жойлаштирилганлиги тўғрисидаги маълумотлар Ишлар бошқармаси томонидан ташаббускор бўлинмага етказилиши лозим.

11. Электрон дўкон иштирокчиларнинг таклифларидан шакллантирилади. Иштирокчининг электрон дўконга қўйилган таклифи буюртмачиларга юборилган оммавий офертадир.

12. Қонуннинг 43-моддаси иккинчи қисмига мувофиқ электрон дўконда қуйидаги банк харидлари амалга оширилиши мумкин:

- бир шартнома бўйича базавий ҳисоблаш миқдорининг икки юз эллик бараваридан ошмайдиган, бироқ бир йилда бир буюртмачи учун базавий ҳисоблаш миқдорининг икки минг беш юз баравари миқдордаги суммадан кўп бўлмаган товарлар;

- бир буюртмачи учун базавий ҳисоблаш миқдорининг йигирма беш бараваридан ошмайдиган миқдордаги ишлар, хизматлар.

13. Ишлар бошқармаси маъсул ходими (филиал бош бухгалтер ўринбосари) электрон дўконда иштирокчиларнинг оферталарини ўрганиш йўли билан ўзи учун зарур бўлган товарни (ишни, хизматни) танлайди ва товар (иш, хизмат) танлагач, харажатлар моддасини белгиллаган ҳолда нархлар сўрови механизмидан фойдаланади.

14. Нархлар сўрови механизми, буюртмачига ўхшаш товарларни (ишларни, хизматларни) таклиф этаётган иштирокчилардан пастроқ нархни сўраш имкониятини тақдим этадиган электрон тизимнинг функциясидан иборат.

15. Буюртмачи ва иштирокчилар харидларни электрон дўконда тартиб-таомили орқали амалга оширишдан олдин ХККПдаги шахсий ҳисобварағига иштирокчи оферта қийматининг 3 фоизи миқдоридаги закатлатни жойлаштиради.

16. Агар нарх сўрови мобайнида иштирокчи томонидан таклиф қилинган нарх буюртмачи томонидан танланган нархдан 15 ва ундан ортиқ фоизга паст бўлса, иштирокчи буюртмачи томонидан танланган офертанинг нархи ва ўзи томонидан таклиф этилган нархнинг фарқи миқдоридаги қўшимча закатлатни харид предметининг ҳар бир бирлиги учун олдиндан киритиши шарт.

Қўшимча закатлат мавжуд бўлмаган тақдирда ушбу таклифлар электрон тизим томонидан автоматик равишда рад этилади.

17. Иштирокчилар томонидан берилган нарх бўйича таклифларни таққослаш портал томонидан автоматик режимда амалга оширилади.

18. Иштирокчилар тўғрисидаги маълумотлардан буюртмачи ёки иштирокчилар якуний натижалар эълон қилингунига қадар фойдалана олмайди. Ижрочининг номи ва унинг таклиф қилган нархи ғолиб аниқланган пайтда порталда акс эттирилади.

19. Портал шартномани буюртмачи томонидан танланган иштирокчининг офертасида баён этилган шартларга мувофиқ ҳамда иштирокчилар томонидан таклиф этилган энг паст нархда шакллантиради.

20. Портал тузилган битимни рўйхатга олади, буюртмачи ва иштирокчининг шахсий ҳисобварағидан операторнинг воситачилик ҳақини ечиб олади. Битимни рўйхатга олиш электрон тизим томонидан шартномани шакллантириш ва унга ўзига хос рақам бериш билан амалга оширилади.

21. Порталда рўйхатдан ўтказилган иштирокчиларнинг ҳеч бири дастлабки таклифдан пастроқ нархни таклиф қилмаса, портал буюртмачи ва ижрочи ўртасидаги битимни рўйхатдан ўтказиши. Электрон шаклда автоматик тузилган шартномалар реестри Ишлар бошқармаси (филиал бош бухгалтер ўринбосари) маъсул ходими томонидан юритилади ва назорат қилинади.

22. Харид қилиш тартиб-таомили якунига кўра электрон дўконда товар (иш, хизмат) мавжуд эмаслиги сабабли шартнома тузилмаган бўлса, буюртмачи мустақил равишда танланган етказиб берувчи билан шартнома тузиш орқали тўғридан-тўғри харидни амалга оширишга ҳақли. Бунда ушбу Низомнинг 12-бандида белгиланган банк харидларининг суммаларга оид мезонлари амал қилади.

23. Тўғридан-тўғри харид натижасида тузилган шартнома у тузилган санадан эътиборан уч кундан кечиктирмай порталга жойлаштирилиши лозим. Тўғридан-тўғри харид учун жавобгарлик буюртмачининг зиммасида бўлади.



#### IV. боб. Аукцион ўтказиш

24. Банк эҳтиёжи учун товарлар аукцион воситасида харид қилинганда ташаббускор бўлинма мазкур низомнинг 30-бандида кўрсатилган маълумотлар билан Банк бошқаруви Раиси ўринбосарига (филиал раҳбари)га билдиришнома киритади. Банкни стратегик ривожлантириш ва маркетинг департаменти (филиал бош бухгалтер ўринбосари) ушбу билдиришномага асосан харид қилинадиган товарларни махсус ахборот портали аукционига жойлаштиради.

25. Қонуннинг 46-моддасига асосан аукцион воситасидаги банк хариди қуйидаги шартлар бир вақтнинг ўзида бажарилган тақдирда амалга оширилади:

товарнинг стандарт хусусиятларга эга бўлиши;

товарнинг техник, эксплуатация қилиниш хусусиятларини ва бошқа хусусиятларини баҳолаш ҳамда таққослаш заруратининг мавжуд эмаслиги;

хизматларнинг, ишларнинг банк хариди объекти бўлмаслиги;

товарнинг қиймати бир шартнома бўйича базавий ҳисоблаш миқдорининг беш минг бараваридан кам бўлиши.

26. Буюртмачи аукцион ўтказиш ҳақида харидлар режа-жадвалига мувофиқ порталга эълон жойлаштиради.

Буюртмачи ва иштирокчилар томонидан аукционда иштироқ этишдан олдин ҲҚКПдаги шахсий ҳисобрақамларига аукционнинг бошланғич нархдан 3 фоиз миқдорида закат маблағи ўтказилади.

27. Аукцион ўтказилиши тўғрисидаги эълон аукцион ғолибини аниқлангунга қадар камида беш кун аввал жойлаштирилиши керак.

28. Аукцион ўтказилиши тўғрисидаги эълонда қуйидаги маълумотлар бўлиши керак:

буюртмачининг номи ва манзили;

аукционнинг биринчи ва охири куни (аукцион ўтказиладиган давр);

аукцион предметининг бошланғич нархи;

аукцион предметининг хусусиятлари (аукцион предметининг таснифи);

аукцион предметини лотлар бўйича бўлиб чиқиш ва ҳар бир лотнинг ҳажми;

товарларни етказиб бериш муддатлари ва шартлари;

товарлар етказиб бериладиган жой (манзил);

лицензия ёки рухсат этиш хусусиятига эга ҳужжатнинг мавжудлиги ҳақида талаб (зарур бўлганда);

товарнинг ўзига хос хусусий параметрларини ифодаловчи алоҳида шартлар.

29. Аукцион буюртмачининг эълонида баён этилган талабларни инобатга олган ҳолда ўтказилади.

30. Агар буюртмачининг эълонида бошқа ҳолатлар кўзда тутилмаган бўлса, иштирокчи янги товарни етказиб бериши шарт.

31. Аукцион электрон тизимда бошланғич нархни қадам-бақадам пасайтириш йўли билан ўтказилади. Қадам ўлчови оператор томонидан ваколатли орган билан келишилган ҳолда белгиланади, лекин иштирокчи томонидан киритиладиган закат миқдоридан ортиқ бўлиши мумкин эмас.

32. Аукцион тугайдиган вақт келганда портал аукцион ўтказилган вақт давомида берилган таклифлар орасида энг паст нархни таклиф қилган таклифни автоматик равишда аниқлаб олади. Энг паст нарх кўрсатилган таклифни берган иштирокчи аукцион ғолиби сифатида портал томонидан саралаб олинади. Ижрочининг номи порталда акс эттирилиб, ушбу тизим тузилган битимни автоматик равишда қайд этади ва буюртмачининг буюртманомасида баён этилган шартларга мувофиқ шартномани шакллантиради. Мазкур аукцион натижаларига кўра электрон шаклда автоматик тузилган шартномалар реестри Банкни стратегик ривожлантириш ва маркетинг

департаменти (филиал бош бухгалтер ўринбосари) маъсул ходими томонидан юритилади ва назорат қилинади.

33. Агар аукционда бир нафар иштирокчи иштирок этган бўлса ёки ҳеч ким иштирок этмаган бўлса, аукцион ўтказилмаган деб ҳисобланади ва ғолиб аниқланмайди, буюртмачи аукционни беш кунга узайтиради. Аукционни узайтириш аввалги аукцион тамом бўлган пайтдан эътиборан уч кун ичида буюртмачи томонидан амалга оширилади. Аукционни узайтиришда буюртмачи бошланғич нархни, техник талабларни, хусусиятларни ёки техник топшириқни қайта кўриб чиқишга ҳақли.

34. Агар қайта аукцион таклифлар мавжуд эмаслиги сабабли ўтказилмаган деб топилган бўлса, буюртмачи Қонуннинг 48-моддасида назарда тутилган тартиб-таомил бўйича танлов ўтказишга ҳақли.

#### **V. боб. Танлов воситасида харидларни ўтказиш шартлари ва тартиби**

35. Танлов воситасидаги банк хариди қуйидаги шартлар бир вақтнинг ўзида бажарилган тақдирда амалга оширилади:

товарнинг (ишнинг, хизматнинг) батафсил ва аниқ таърифини таърифлаш имконияти мавжуд;

ғолибни аниқлаш мезонлари товар (иш, хизмат) банк харидининг нафақат пул ифодасига, балки миқдорий ва сифат баҳосига ҳам эга бўлади.

Буюртмачи томонидан қуйидаги ҳолларда танлов орқали харидлар амалга оширилади:

- товар қиймати бир шартнома бўйича базавий ҳисоблаш миқдорининг беш минг бараваридан йигирма беш минг бараваригача бўлган миқдорни;

- хизматларнинг, ишларнинг қиймати бир шартнома бўйича базавий ҳисоблаш миқдорининг йигирма беш бараваридан йигирма беш минг бараваригача бўлган миқдорни ташкил этганда.

36. Товарнинг (ишнинг, хизматнинг) қиймати базавий ҳисоблаш миқдорининг беш минг бараваридан ошган ҳолларда танлов бўйича техник топшириқ Ўзбекистон Республикаси Иқтисодиёт ва саноат вазирлиги қошидаги Лойиҳалар ва импорт контрактларини комплекс экспертиза қилиш маркази (бундан буён матнда Марказ деб юритилади) билан келишиб олиниши лозим.

37. Агар инвестиция лойиҳалари доирасида Ўзбекистон Республикаси Президентининг фармонлари, қарорлари ва фармойишлари билан буюртмачиларга тендерни ўтказмасдан товарларни (ишларни, хизматларни) етказиб берувчилар билан шартномалар тузиш ҳуқуқи берилган тақдирда, харид қилиш тартиб-таомили банк харидининг суммасидан қатъи назар танлов ўтказиш орқали амалга оширилади. Бунда танлов ҳақидаги эълон буюртмачи томонидан таклифларни қабул қилиш муддати тугагунига қадар камида ўн кун олдин порталда жойлаштирилади.

#### **VI. боб. Танлов ўтказишда харид комиссияси фаолиятини тартибга солиш**

38. Банк филиалларида товарлар (ишлар, хизматлар) харид қилишни танлов асосида ташкил қилиш мақсадида филиал бошқарувчиси буйруғи билан аъзолар сони тоқ бўлган "Филиалнинг товар-моддий бойликлар ва хизматлар сотиб олиш бўйича танлов комиссияси" (кейинги ўринларда - Филиал танлов комиссияси) тузилади.

39. Филиал танлов комиссияси камида 5 кишидан иборат бўлиб, унинг таркибида:

- Бошқарувчи (бошқарувчи иш жойида вақтинчалик бўлмаганда хизмат сафарида, меҳнат таътилида, меҳнатга лаёқатсиз бўлганида бошқарувчи ўринбосари)- Комиссия раиси;
- бошқарувчи ўринбосари;
- бош бухгалтер;

- юридик хизмат ходими;
- филиал хўжалик ишлари бўйича маъсул ходим киритилади.
- котиб (овоз бериш ҳуқуқсиз) бухгалтерия ҳисоби ва ҳисоботи бўлими бўлими бошлиғи ўринбосари бўлиши лозим.

Бундан ташқари, комиссия таркибига қўшимча равишда филиалнинг бошқа таркибий бўлинма раҳбарлари киритилиши мумкин.

Комиссия аъзолари бошқа ишга ўтган тақдирда унинг таркибига ушбу лавозимларга янги тайинланган шахслар ёки зиммасига тегишли функцияларни вақтинчалик бажариш юкланган шахслар киритилади.

40. Бош банк тизимида банк, департамент ва мустақил бошқармалар эҳтиёжи учун зарур товарлар (ишлар, хизматлар) харид қилишни танлов асосида ташкил қилиш мақсадида Банк Бошқаруви Раиси буйруғи билан «Туронбанк» АТБ Товар-моддий бойликлар ва хизматлар сотиб олиш бўйича танлов комиссияси (кейинги ўринларда «Бош банк танлов комиссияси») тузилади.

Бош банк танлов комиссияси камида 7 кишидан иборат бўлиб, аъзолари таркиби Банк Бошқаруви Раисининг буйруғи асосида тайинланади.

Бош банк танлов комиссияси таркибида қуйидаги бўлинмаларнинг ходимлари бўлиши тавсия этилади:

- Бухгалтерия ҳисоби ва молиявий ҳисоботи департементи;
- Юридик хизмат департаменти;
- Ахборот технологиялари департаменти;
- Банкни стратегик ривожлантириш ва маркетинг департаменти;
- Банк хавфсизлиги ва ахборотларни муҳофаза қилиш департаменти;
- Ишлар бошқармаси;
- Ташаббускор таркибий тузилма ходими, котиб (овоз бериш ҳуқуқсиз).

Шунингдек, Бош банк танлов комиссияси таркибига сотиб олинаётган товарлар (ишлар, хизматлар) тегишлилиги бўйича бошқармалардан қўшимча ходимлар киритилиши мумкин.

Ишлаб чиқариш заруриятига кўра, Комиссия раиси иш жойида бўлмаганда (хизмат сафарида, меҳнат таътилида, меҳнатга лаёқатсиз бўлганида ва х.к.) Комиссия раиси вазифасини буйруқда белгиланган бошқа ўринбосари бажаради.

41. Қиймати базавий ҳисоблаш миқдорининг беш минг бараваридан ортиқ миқдордаги банк харидлари ўтказилганда танлов комиссияси таркибига буюртмачининг вакилларидан ташқари Ўзбекистон Республикаси Инвестициялар ва ташқи савдо вазирлигининг, Ўзбекистон Республикаси Вазирлар Маҳкамаси ҳузуридаги «Ўзинжиниринг» республика лойиҳалаштириш институтининг вакиллари киритилади.

## **VII. боб. Танлов ҳужжатларини ишлаб чиқиш ва танлов ўтказилиши ҳақида эълон бериш**

42. Банк эҳтиёжи учун товарлар танлов асосида харид қилинганда ташаббускор бўлинма томонидан танлов ҳужжатларининг, шартнома ва танлов ўтказиш ҳақидаги эълоннинг матни ишлаб чиқилиб, Бош банк танлов комиссияси раиси (Филиал танлов комиссияси раиси)га билдиришнома киритади.

43. Танлов ўтказилиши тўғрисидаги эълонда қуйидаги ахборот бўлиши керак: товарнинг (ишнинг, хизматнинг) батафсил тавсифи ва нархи; танлов ўтказиладиган жой манзили; танлов иштирокчиларига қўйиладиган талаблар;

буюртмачининг иштирокчилар билан алоқада бўлиш учун боғловчи шахслар сифатида белгиланган ташаббускор бўлинманинг харидлар учун маъсул ходими Ф.И.Ш., лавозими ва манзили ;

танлов ҳужжатлари қоидаларини изоҳлаш учун сўров бериш шакли;

таклифларни бериш муддати тугайдиган сана ва вақт;

танлов таклифларини расмийлаштиришга доир талаблар.

Танлов ўтказиш тўғрисидаги эълонда қонун ҳужжатларига зид бўлмаган бошқа ахборот ҳам бўлиши мумкин.

44. Танлов ҳужжатларида қуйидагилар бўлиши керак:

танлов ўтказилиши тўғрисидаги эълонда кўрсатилган ахборот;

шартнома баҳосини ва ижрочилар билан ҳисоб-китобларни шакллантириш учун фойдаланиладиган валюта ҳамда тўлов тартиби ҳақидаги ахборот;

танловда иштирок этиш учун таклиф қайси тилда тайёрланиши кераклиги бўйича талаб;

танлов иштирокчиларига танлов ҳужжатлари қоидаларига доир тушунтиришларни тақдим этиш тартиби, тақдим этиш муддати бошланадиган ва тугайдиган сана;

агар товарнинг (ишнинг, хизматнинг) муқобил вариантларига йўл қўйилса, лотни алмаштириш бўйича муқобил таклифларни баҳолаш тартибининг тавсифи;

техник топшириқ;

Қонунга мувофиқ иштирокчиларнинг таклифларини баҳолаш мезонлари ва кўриб чиқиш тартиби.

45. Танлов ҳужжатларига уларнинг ажралмас қисми бўлган шартнома лойиҳаси илова қилинади.

46. Бош банк танлов комиссияси раиси (Филиал танлов комиссияси раиси) билдиришномага асосан танлов ҳужжатларини кўриб чиқиб, порталга жойлаштириш учун Банкни стратегик ривожлантириш ва маркетинг департаменти (филиал бош бухгалтер ўринбосари)га йўналтиради.

47. Танлов комиссияси Раиси танлов ҳужжатларини Қонун талабларига мувофиқлигини кўриб чиқади ва қуйидагиларни:

таклифлар қабул қилинадиган муддатларини;

таклифларни очиш тартиб-таомилларини;

таклифларни баҳолаш мезонларини;

таклиф киритиш тартибини, ҳажмини ва уни таъминлаш шаклини белгилайди.

48. Танлов ҳужжатларида камчиликлар аниқланган тақдирда, аниқланган камчиликлар бартараф этилганидан сўнг, танлов комиссияси раиси томонидан танлов ҳужжатлари қайта кўриб чиқилади.

49. Ташаббускор бўлинма танлов комиссияси раиси томонидан кўриб чиқилган танлов ҳужжатларини ўзининг имзоси билан тасдиқлайди.

50. Тасдиқланган танлов ҳужжатлари, шартнома лойиҳаси, шунингдек танлов ўтказиш ҳақидаги эълон танлов иштирокчиларининг таклифларини қабул қилиш муддати тугашидан камида ўн кун аввал Банкни стратегик ривожлантириш ва маркетинг департаменти (филиал бош бухгалтер ўринбосари) томонидан порталга жойлаштирилади.

51. Махсус ахборот порталига жойлаштирилганлиги тўғрисидаги маълумотлар Банкни стратегик ривожлантириш ва маркетинг департаменти (филиал бош бухгалтер ўринбосари) томонидан ташаббускор бўлинмаларга етказилиши лозим.

52. Танлов ўтказиш ҳақидаги эълон қўшимча равишда буюртмачининг расмий веб-сайтида, шунингдек оммавий ахборот воситаларига жойлаштирилиши мумкин.

53. Зарур ҳолларда буюртмачи танлов ҳужжатларига ўзгартириш киритиши мумкин.

54. Буюртмачи танлов ҳужжатларига ўзгартишлар киритишга танловда иштирок этиш учун таклифлар бериш муддати тугайдиган санадан камида уч кун олдин ҳақли.

55. Танлов ҳужжатларига ўзгартишлар киритиш давомида товарни (ишни, хизматни) ёки унинг хусусиятларини ўзгартиришга йўл қўйилмайди.

56. Танловда таклифлар бериш тугайдиган муддат танлов ҳужжатларига ўзгартишлар киритилган санадан эътиборан камида ўн кунга узайтирилиши керак.

57. Шу билан бир вақтда, агар эълонда кўрсатилган ахборот ўзгартирилган бўлса, танлов ўтказиш тўғрисидаги эълонга ўзгартишлар киритилади.

58. Зарур ҳолларда буюртмачи танлов комиссияси қарори асосида таклифларни бериш муддатини узайтиришга, шунингдек иштирокчиларга уларнинг таклифларини амал қилиш муддатини муайян даврга узайтириш тўғрисидаги таклиф билан мурожаат қилиши мумкин.

59. Танлов ҳужжатларида буюртмачи ҳар бир товарни (ишни, хизматни) харид қилишда алоҳида лот сифатида эълон қилиши мумкин. Бундай ҳолда буюртмачи товарларни (ишларни, хизматларни) етказиб бериш учун танловнинг ҳар хил лоти бўйича бир нечта иштирокчиси билан шартномалар тузиши мумкин, бунда ҳар бир лот учун фақат битта ғолиб аниқланиши мумкин.

### **VIII. боб. Танлов таклифларини бериш тартиби**

60. Порталда эълон қилинган танлов иштирокчиларининг таклифлари эълонда белгиланган тартибда танлов ўтказиш тўғрисидаги эълонда кўрсатилган манзил бўйича муҳрланган конвертларда тақдим этилади.

61. Танлов иштирокчиларининг таклифлари муҳр қўйилган ва иштирокчининг ваколатли шахсининг имзоси билан тасдиқланган ёки таклифларнинг ҳар бир varaғи имзоланган ҳолда тақдим этиш тавсия этилади.

62. Танлов иштирокчиларининг таклифлари эълонда белгиланган тартиб асосида танлов ўтказиш тўғрисидаги эълонда кўрсатилган манзилга муҳрланган конвертларда лот рақами кўрсатилган ҳолда (конвертнинг елимланган жойига иштирокчининг муҳри босилади) тақдим этилади, унда техникавий, молиявий, моддий, кадрлар ресурсларининг ҳамда бошқа ресурсларнинг мавжудлигига оид маълумотлар техник ва тижорат таклифлари билан бирга бўлиши керак.

63. Таклифлар солинган конверт Банкни стратегик ривожлантириш ва маркетинг департаментида (филиал бош бухгалтер ўринбосари) юритиладиган рўйхатга олиш китобида қабул қилишнинг санаси ва вақтини қайд этиш йўли билан қабул қилинади. Рўйхатга олиш китоби ип билан тикилган, рақамланган ва муҳрланган бўлиши керак. Таклифлар бериш муддати тугагандан сўнг рўйхатга олиш китобида қабул қилиш ва топшириш шартида имзо қўйилиб ташаббускор бўлинма маъсул ходимига (котиб) йиғилган конвертлар берилади.

64. Таклифлар билан бирга иштирокчилар харид объекти бўлган товарнинг эскизи, расми, чизмаси, фотосурати ва бошқа тасвири, нусхаси, намунасини тақдим этиши мумкин.

65. Танлов иштирокчиси битта лотга фақат битта таклиф беришга ҳақли.

66. Танлов иштирокчиси тақдим этилаётган ахборот ва ҳужжатларнинг ҳақиқийлиги ва тўғрилиги учун жавобгар бўлади.

67. Танлов иштирокчиси тақдим этилган таклифларни бериш муддати тугагунига қадар берилган таклифни чақириб олишга ёки унга ўзгартишлар киритишга ҳақли.

68. Танловга таклифларни қабул қилиш порталда чоп этилган эълонда кўрсатилган муддат келиши билан тугатилади.

69. Танлов иштирокчиси танлов ҳужжатларидаги талабларни, танлов ўтказиш учун эълонда белгиланган шаклда тушунтириш талаби билан буюртмачига сўров юборишга ҳақли.

70. Буюртмачи сўров келиб тушган санадан эътиборан икки иш куни ичида, агар мазкур сўров буюртмачига таклифлар бериш муддати тугайдиган санадан камида икки кун олдин келиб тушган бўлса, ушбу сўровга жавоб юбориши шарт.

71. Буюртмачи харид қилиш тартиб-таомилига нисбатан иштирокчилар томонидан таклифларнинг таъминланиши зарурлиги тарзида талаб белгилаган тақдирда, таклифлар юборилгунига қадар иштирокчи таъминотнинг мақбуллигини тасдиқлаш тўғрисида сўров юборишга ҳақли. Буюртмачи бундай сўровга дарҳол жавоб беради.

72. Танловда қуйидаги мезонларга мувофиқ бўлган иштирокчилар қатнаша олади:

шартномани бажариш учун зарур техникавий, молиявий, моддий, кадрлар ресурсларининг ҳамда бошқа ресурсларнинг мавжудлиги;

шартнома тузиш учун қонуний ҳуқуққа эгалик;

солиқлар ва бошқа мажбурий тўловларни тўлаш бўйича қарздорликнинг мавжуд эмаслиги;

ўзига нисбатан жорий этилган банкротлик тартиб-таомилларининг мавжуд эмаслиги;

инсофсиз ижрочиларнинг ягона реестрида қайд этилмаганлиги.

### **IX. боб. Танлов натижаларини сарҳисоб қилиш**

73. Агар таклифлар бериш муддати тугаган пайтда танлов комиссияси томонидан танлов иштирокчиларидан танлов ҳужжатларида кўрсатилган талабларга мос келадиган камида иккита таклиф олинган бўлса, танлов ўтказилган деб топилади.

74. Уч ёки ундан ортиқ танлов иштирокчилари — маҳаллий ишлаб чиқарувчилар бўлган тақдирда банк харидлари буюртмачининг танловига кўра маҳаллий ишлаб чиқарувчилар ўртасида амалга оширилиши мумкин.

75. Танловда битта иштирокчи иштирок этган ёки биронта иштирокчи иштирок этмаган тақдирда танлов ўтказилмаган деб топилади. Бундай ҳолатда буюртмачи танловни айна ўша шартларда ҳамда товарга (ишга, хизматга) доир айна ўша мезонларга ва талабларга мувофиқ такроран амалга ошириши шарт.

76. Танлов ҳужжатларининг шартлари ўзгартирилмасдан такроран танлов ўтказилганда такроран танлов ўтказиш тўғрисидаги эълон иштирокчилардан таклифлар қабул қилинадиган муддат тугайдиган санадан камида ўн кун олдин буюртмачи томонидан порталга жойлаштирилади.

77. Товарга (ишга, хизматга) нисбатан баҳолаш шартлари, мезонлари ва талабларни ўзгартириш зарурати пайдо бўлганда харид комиссияси асосларни келтирган ҳолда тегишли қарорни қабул қилади.

### **X. боб. Танлов иштирокчиларининг таклифларини кўриб чиқиш ва баҳолаш**

78. Танлов иштирокчилари томонидан берилган таклифлар солинган конвертлар танлов комиссияси йиғилишида очилади.

79. Танлов иштирокчиларининг таклифларини кўриб чиқиш ва баҳолаш муддати таклифлар бериш тугаган пайтдан эътиборан ўн кундан кўп бўлиши мумкин эмас.

80. Эълонда танловни ўтказиш вақти сифатида кўрсатилган вақтда танлов комиссияси танлов иштирокчилари томонидан берилган таклифлар солинган конвертларни таклифларни баҳолаш учун очади. Танлов иштирокчисининг ваколатли вакили конвертларни очиш тартиб-таомили чоғида ҳозир бўлишга ҳақли.

81. Таклифлар солинган конвертларни очишда уларда барча ҳужжатларнинг мавжудлиги ва тўғри расмийлаштирилганлиги текширилади. Тегишли ҳужжатлар

конвертда мавжуд бўлмаган ҳолатда, танлов комиссияси ушбу таклифни кўриб чиқиш ва баҳолашга қўймасликка ҳақли.

82. Конвертларни очиш давомида иштирокчилар тақдим этган барча ҳужжатлар ва тижорат таклифининг нархи ўқиб эшиттирилади.

83. Агар таклифни киритган танлов иштирокчиси Қонунда белгиланган талабларга мос келмаса ёхуд танлов иштирокчисининг таклифи танлов ҳужжатлари талабларига мос келмаса, харид комиссияси таклифни рад этади.

84. Танлов комиссияси ғолибни аниқлаш учун рад этилмаган таклифларни танлов ҳужжатларида қайд этилган мезонлар асосида баҳолашни амалга оширади.

85. Танлов ҳужжатларини баҳолаш мақсадида танлов комиссияси комиссия аъзолари ва экспертлардан иборат бўлган баҳоловчи гуруҳ тузишга ҳақли.

86. Таклиф Қонуннинг ва танлов ҳужжатларининг талабларига мувофиқ бўлса, у тегишли тарзда расмийлаштирилган деб топилади.

87. Баҳолаш пайтида танлов комиссияси танлов иштирокчиларидан таклифлари бўйича тушунтиришлар сўрашга ҳақли. Мазкур жараён расмий равишда ёзма шаклда танлов ташкилотчиси орқали белгиланган тартибда олиб борилади. Тушунтириш жараёнида таклифнинг моҳияти, шунингдек нархи юзасидан бирор-бир ўзгартиришларга йўл қўйилмайди.

88. Танлов таклифи танлов ҳужжатлари билан белгиланган муддат мобайнида кучида қолади.

89. Танлов иштирокчисининг конвертини очишда танлов комиссияси томонидан танлов таклифининг малакага оид, техник ва нарх қисми бўйича ўрганиш ўтказилади. Танлов комиссиясининг танлов таклифларининг техник ва нарх қисмини баҳолаш ҳақидаги қарори танлов ғолибини аниқлаш ҳақидаги баённомада қайд этилади.

90. Танлов ҳужжатларида ва таклифда кўрсатилган мезонлар асосида шартномани бажаришнинг энг яхши шартларини таклиф қилган танлов иштирокчиси ғолиб деб топилади.

91. Танлов комиссияси ижрочини ва захира ижрочини аниқлайди ёки танловни ўтказилмаган деб топади.

92. Агар танлов ҳужжатларида танловнинг ҳар бир товари (иши, хизмати) харид қилиш тартиб-таомилининг алоҳида лоти сифатида кўриб чиқилиши назарда тутилган бўлса, танлов комиссияси ғолибни танловнинг ҳар бир лоти бўйича аниқлайди.

93. Танлов ўтказиш бўйича харид комиссиясининг ҳар бир аъзоси овоз беришда ёқлаб овоз бериши, қарши овоз бериши ёки унда иштирок этишдан бош тортиши мумкин. Харид комиссиясининг раиси овоз беришда иштирок этишдан бош тортиш ҳуқуқига эга эмас.

94. Танлов ўтказиш бўйича харид комиссиясининг мажлислари юзма-юз ёки сиртдан (сўров орқали, барчанинг иштирокисиз – таклиф берувчи иштирокчиларсиз) ўтказилиши мумкин. Юзма-юз мажлислар конференциялар (видеоконференциялар ва ҳоказо) шаклида ўтказилиши мумкин.

95. Танлов ўтказиш бўйича харид комиссиясининг қарори комиссия аъзолари умумий сонининг кўпчилиги овози билан қабул қилинади.

96. Таклифларни кўриб чиқиш ҳамда баҳолаш натижалари баённомада қайд этилади ва танлов ўтказиш бўйича харид комиссиясининг барча аъзолари томонидан имзоланади. Баённомадан кўчирма у имзоланган кундан эътиборан уч иш куни ичида Банкни стратегик ривожлантириш ва маркетинг департаментида (филиал бош бухгалтер ўринбосари) порталда эълон қилинади.

97. Таклифларни кўриб чиқиш ва баҳолаш баённомаси ташаббускор таркибий тузилма ходими, котиб томонидан ёзилади, унда қуйидаги ахборот бўлиши керак:

танлов таклифлари кўриб чиқиладиган ҳамда баҳоланадиган сана ва вақт тўғрисидаги;

ҳозир бўлган харид комиссияси аъзоларининг ва танлов иштирокчилари ваколатли вакилларининг таркиби ҳақидаги;

таклифлари кўриб чиқилган танлов иштирокчилари тўғрисидаги;

таклифлари уларни рад этишнинг аниқ сабаблари кўрсатилган ҳолда рад этилган танлов иштирокчилари ҳақидаги;

танлов ғолиби тўғрисида қабул қилинган қарор ҳақидаги;

танлов ғолибининг номи (юримдик шахслар учун), фамилияси, исми, отасининг исми (жисмоний шахслар учун), турган жойи (почта манзили).

98. Танловнинг исталган иштирокчиси таклифларни кўриб чиқиш ва баҳолаш баённомаси эълон қилинганидан сўнг буюртмачига танлов натижаларига доир тушунтиришларни тақдим этиш тўғрисида сўров юборишга ҳақли.

99. Буюртмачи бундай сўров келиб тушган санадан эътиборан уч иш куни ичида танлов иштирокчисига тегишли тушунтиришларни тақдим этиши шарт.

## **XI. Боб. Танлов натижалари бўйича шартнома тузиш**

100. Буюртмачи ғолиб бўлган таклиф акцептига қадар исталган вақтда танловни бекор қилиш ҳуқуқига эга. Танлов бекор қилинган тақдирда буюртмачи порталда мазкур қарорнинг асосланган сабабларини эълон қилади.

101. Буюртмачи танлов бекор қилинганлиги учун жавобгар бўлмайди, бундан буюртмачининг ғайриқонуний ҳаракатлари (ҳаракатсизлиги) оқибатида бекор қилинган ҳоллар мустасно.

102. Буюртмачи ўтказилган танлов яқунлари бўйича ғолиб бўлган таклифнинг акцепти тўғрисида бир иш куни ичида қарор қабул қилади.

103. Ғолиб бўлган таклифнинг акцепти қуйидаги ҳолларда амалга оширилиши мумкин, агар:

банк харидлари бекор қилинмаган бўлса;

ғолиб бўлган таклифни юборган иштирокчи четлатилмаган бўлса;

харид қилиш тартиб-таомили бузилмаган бўлса.

104. Танлов натижалари бўйича шартнома танлов ҳужжатларида ва ўзи билан шартнома тузилаётган танлов иштирокчиси томонидан берилган таклифда кўрсатилган шартлар асосида ғолиб аниқланган вақтдан эътиборан ўн кундан кечиктирилмаган муддатда тузилади.

105. Танлов натижалари тўғрисидаги ахборот, таклифларни кўриб чиқиш ва баҳолаш баённома кўчирмаси ёки аслига тўғри белгиси билан бирга ташаббускор бўлинма томонидан Банкни стратегик ривожлантириш ва маркетинг департаменти (филиал бош бухгалтер ўринбосари)га порталда эълон қилиш ва буюртмачилар билан тузилган шартномалар реестрига киритиш учун берилиши лозим.

106. Танлов ғолиби танлов шартлари асосида шартнома тузишдан бош тортган ҳолларда шартнома тузиш ҳуқуқи захира ижрочисига ўтади ва танлов ғолибига таъминот суммаси қайтариб берилмайди. Бунда захира ижрочиси танлов ғолиби таклиф қилган нархда шартнома тузиши мумкин ёки шартнома тузишдан бош тортиши мумкин.

107. Буюртмачи қуйидаги ҳолатлардан бири юз берган тақдирда таклифни таъминлаш суммаси тўланишини талаб қилмайди ва таъминлаш тўғрисидаги ҳужжатни дарҳол қайтаради ёки кейин унинг қайтарилишини таъминлайди:

таклифни таъминлашнинг амал қилиш муддати тугаши;

банк харидлари тўғрисидаги шартноманинг кучга кириши ва ушбу шартноманинг бажарилиши таъминланиши, агар бундай таъминлаш банк хариди шартларида талаб этилса;

банк харидларининг бекор қилиниши;



таклифларни юборишнинг охириги муддати тугагунига қадар таклифнинг чақириб олиниши, агар банк хариди шартларида бундай қайтариб олишга йўл қўйилмаслиги айтиб ўтилмаган бўлса.

108. Икки ёки ундан ортиқ буюртмачиларнинг харидлар режасига мувофиқ қўшма танловлар ўтказилиши мумкин.

109. Қўшма танловлар бир банк дастури ёки лойиҳалар портфелида иштирок этаётган буюртмачилар доирасида шакллантирилиши шарт.

110. Танлов иштирокчилари танлов шартлари ва танловни ўтказиш тартиб-таомиллари бузилган ҳолатларда танлов натижалари устидан белгиланган тартибда шикоят қилишлари мумкин.

111. Танлов комиссияси харидларнинг бошқа субъектлари томонидан амалга ошириладиган ҳаракатлар учун жавобгар бўлмайди.

112. Танлов комиссиясининг ўз ваколати доирасида қабул қиладиган қарорлари Қонуннинг 19-моддасига асосан барча иштирокчилар учун мажбурийдир.

## **XII. боб.Тендер ўтказиш шартлари**

113. Тендер воситасидаги банк хариди қўйидаги шартлар бир вақтнинг ўзида бажарилган тақдирда амалга оширилади:

ғолибни аниқлаш мезонлари товарларнинг (ишларнинг, хизматларнинг) нафақат пул билан баҳоланишини, балки миқдорий ва сифат жиҳатидан баҳоланишини ҳам ўз ичига олади;

корпоратив буюртмачилари учун товарларнинг (ишларнинг, хизматларнинг) қиймати бир шартнома бўйича базавий ҳисоблаш миқдорининг йигирма беш минг бараваридан ортиқ миқдорни ташкил этади;

114. Тендер ўтказиш тўғрисидаги эълонларни фақат молиялаштириш манбалари ва миқдорлари мавжудлиги тасдиқланган тақдирдагина порталга ва бошқа оммавий ахборот воситаларига жойлаштириши шарт.

## **XIII. боб.Тендерни ўтказишда харид комиссияси фаолиятини тартибга солиш**

115. Тендер фақат Бош банкда ташкил этилади. Тендер ўтказиш учун Бош Банк ҳузурида тоқ сонли (етти кишидан кам бўлмаган) аъзолардан иборат харид комиссияси (бундан буён матнда тендер комиссияси деб юритилади) тузилади.

116. Тендер комиссиясининг аъзолари таркиби ва сони харид қилиш тартиб-таомилининг турига боғлиқ бўлади ҳамда олинаётган товарнинг (ишнинг, хизматнинг) хусусиятлари инобатга олинган ҳолда ўзгартирилиши мумкин.

117. Тендер хўжалик фаолияти доирасида ўтказилганда тендер комиссияси буюртмачининг вакиллари орасидан, зарур бўлган тақдирда овоз бериш ҳуқуқига эга экспертлар жалб этилган ҳолда шакллантирилади.

118. Тендер лойиҳа фаолияти доирасида ўтказилганда тендер комиссияси вазифаларини қонун ҳужжатларида белгиланган тартибда ташкил этиладиган лойиҳани амалга оширувчи гуруҳ бажаради, у тендер натижалари тўғрисида қарорлар қабул қилади.

119. Тендер комиссияси таркибига Ўзбекистон Республикаси Инвестициялар ва ташқи савдо вазирлигининг ва Ўзбекистон Республикаси Вазирлар Маҳкамаси ҳузуридаги «Ўзинжиниринг» республика лойиҳалаштириш институтининг вакиллари киритилиши шарт.

120. Тендер комиссияси буюртмачининг тегишли қарорлари билан шакллантирилади ва тарқатиб юборилади.

121. Тендер комиссиясининг тезкор фаолиятини унинг масъул котиби ташкил этади.

#### **XIV. боб. Тендер хужжатларини ишлаб чиқиш ва тендер ўтказилиши тўғрисидаги эълонни жойлаштириш**

122. Буюртмачи томонидан тендер ўтказиш ҳақидаги қарор қабул қилинганидан кейин ташаббускор бўлинма, филиал ёки унинг масъул шахслари томонидан тендер хужжатлари лойиҳаси, шартномаси ва эълонининг матни ишлаб чиқарилади.

123. Тендер ўтказилиши тўғрисидаги эълонда қуйидаги ахборот бўлиши керак:

товарнинг (ишнинг, хизматнинг) батафсил тавсифи ва нархи;

тендер ўтказиладиган жой манзили;

тендер иштирокчиларига қўйиладиган талаблар;

буюртмачининг иштирокчилар билан алоқада бўлиш учун боғловчи шахслар сифатида белгиланган бир ёки бир нечта мансабдор шахсининг ёки бошқа ходимларининг номи, лавозими ва манзили;

тендер хужжатлари қоидаларини тушунтириш учун сўров бериш шакли;

таклифлар бериш муддати тугайдиган сана ва вақт;

тендер таклифларини расмийлаштиришга доир талаблар.

Тендер ўтказиш тўғрисидаги эълонда қонун хужжатларига зид бўлмаган бошқа ахборот ҳам бўлиши мумкин.

124. Тендер хужжатларида қуйидагилар бўлиши керак:

тендер ўтказилиши тўғрисидаги эълонда кўрсатилган ахборот;

шартнома баҳосини ва ижрочилар билан ҳисоб-китобларни шакллантириш учун фойдаланиладиган валюта ҳамда тўлов тартиби ҳақидаги ахборот;

тендерда иштирок этиш учун таклиф қайси тилда тақдим этилиши кераклиги бўйича талаб;

тендер иштирокчиси таклифининг техник ва нархга оид қисми, уларни баҳолаш тартиби тўғрисидаги ахборот;

тендер иштирокчиларига тендер хужжатлари қоидаларига доир тушунтиришларни тақдим этиш тартиби, тақдим этиш муддати бошланадиган ва тугайдиган сана;

техник топшириқ;

Қонунга мувофиқ тендер иштирокчиларининг таклифларини баҳолаш мезонлари ва кўриб чиқиш тартиби.

125. Ишлаб чиқилган тендер хужжатларини лойиҳаси буюртмачи томонидан тендер хужжатларини экспертизадан ўтказиш учун Марказга юборилади.

126. Тендер комиссияси ўзининг мажлисида тендер хужжатлари лойиҳасини Қонун талабларига мувофиқлиги бўйича кўриб чиқиб, қуйидагиларни:

таклифлар қабул қилинадиган муддатларни;

таклифларни очиш тартиб-таомилларини;

таклифларни баҳолаш мезонларини;

таклиф киритиш тартибини, ҳажмини ва уни таъминлаш шаклини белгилайди.

127. Тендер хужжатлари лойиҳаси унда белгиланган талаблар билан бирга муҳокамага қўйилади.

128. Тендер комиссияси томонидан тендер хужжатлари лойиҳаси маъқулланган ҳолда тендер ўтказиш ҳақида қарор қабул қилинади.

129. Тендер хужжатлари маъқулланмаган ҳолларда у қайта ишлаш учун қайтариб юборилиши ёки тендер комиссияси мажлисида қайта ишланиши мумкин.

130. Маъқулланган тендер хужжатларини буюртмачи ўзининг муҳри ва имзоси билан тасдиқлайди.

131. Тасдиқланган тендер хужжатлари, шартнома лойиҳаси, шунингдек тендер ўтказилиши тўғрисидаги эълон тендер иштирокчиларидан таклифларни қабул қилиш муддати тугайдиган санадан камида ўттиз кун олдин ва кўпи билан қирқ беш кун олдин

порталга Банкни стратегик ривожлантириш ва маркетинг департаменти томонидан жойлаштирилади.

132. Тендер ўтказишни амалга ошириш ҳақидаги эълон қўшимча равишда буюртмачининг расмий веб-сайтида ёки ўзининг юқори турувчи органи расмий веб-сайтига, шунингдек оммавий ахборот воситаларига жойлаштирилиши мумкин.

133. Зарур бўлган ҳолларда буюртмачи томонидан тендер ҳужжатларига ўзгартиришлар киритиш ҳақидаги қарор қабул қилиши мумкин.

134. Тендерда иштирок этиш учун таклифлар бериш муддати тугайдиган санадан камида уч кун олдин тендер ҳужжатларига ўзгартишлар киритиш тўғрисида қарор қабул қилишга ҳақли.

135. Тендер ҳужжатида ўзгартириш таклифлар бериш муддати тугаётганда киритилган тақдирда тендер, тендер ҳужжатларига ўзгартишлар киритилган санадан эътиборан ўн кундан кам бўлмаган муддатга узайтирилиши лозим. Шу билан бир вақтда, агар эълонда кўрсатилган ахборот ўзгартирилган бўлса, тендер ўтказиш тўғрисидаги эълонга ўзгартишлар киритилади.

136. Тендер ҳужжатларига ўзгартиришлар киритиш жараёнида товарни (ишни, хизматни) ўзгартиришга йўл қўйилмайди.

137. Зарур бўлган ҳолларда буюртмачи томонидан таклифлар бериш муддати узайтирилиши ёки тендер иштирокчиларига таклифлар қабул қилиниши муддати тендер комиссияси қарори билан маълум вақтга узайтириш таклифи билан мурожаат қилиши мумкин.

138. Тендер ҳужжатларида буюртмачи ҳар бир товарни (ишни, хизматни) харид қилишда алоҳида лот сифатида эълон қилиши мумкин. Бу ҳолатда буюртмачи товарларни (ишларни, хизматларни) етказиб бериш учун тендернинг бир нечта иштирокчиси билан шартномалар тузиши мумкин, бунда ҳар бир лот учун фақат битта ғолиб аниқланиши мумкин.

#### **XV. боб. Тендерда иштирок этиш учун таклиф бериш тартиби**

139. Порталда эълон қилинган тендер иштирокчиларининг таклифлари эълонда белгиланган тартибда, тендер ўтказиш тўғрисидаги эълонда кўрсатилган манзил бўйича муҳрланган конвертларда тақдим этилади.

140. Тендер иштирокчиларининг таклифлари ип билан тикилган, рақамланган, муҳр қўйилган ва иштирокчининг ваколатли шахсининг имзоси билан тасдиқланган ёки таклифларнинг ҳар бир варағи имзоланган ҳолда тақдим этиш тавсия этилади.

141. Тендер иштирокчиларининг таклифлари эълонда белгиланган тартиб асосида тендер ўтказиш тўғрисидаги эълонда кўрсатилган манзилга муҳрланган конвертларда (конвертнинг елимланган жойига иштирокчининг муҳри босилади) тақдим этилади, унда:

алоҳида муҳрланган ички конвертда техник таклиф (шу жумладан, техник, молиявий, моддий, кадрлар ресурсларининг ҳамда бошқа ресурсларнинг мавжудлиги оид маълумотлар);

алоҳида муҳрланган ички конвертда таклифнинг нархга оид қисми бўлиши керак.

142. Таклифлар солинган конверт Бош банк девонхонасида рўйхатга олингандан сўнг, Банкни стратегик ривожлантириш ва маркетинг департаменти рўйхатга олиш китобида топширувчи ва қабул қилувчи шахс имзоси остида, қабул қилинган сана ва вақти, конвертлар сонини қайд этиш йўли билан тендерни ташкиллаштириш ва ўтказишга масъул шахсга тақдим этилади. Рўйхатга олиш китоби ип билан тикилган, рақамланган ва муҳрланган бўлиши керак.

143. Таклиф билан бирга харид объекти бўлган товарнинг эскизи, расми, чизмаси, фотосурати ва бошқа тасвири, нусхаси, намунаси бўлиши мумкин.

144. Тендер иштирокчиси битта лотга фақат битта таклиф беришга ҳақли.

145. Тендер иштирокчиси тақдим этилаётган ахборот ва ҳужжатларнинг ҳақиқийлиги ва тўғрилиги учун жавобгар бўлади.

146. Тендер иштирокчиси таклифларни бериш муддати тугагунига қадар берилган таклифни қайтариб олишга ёки унга ўзгартишлар киритишга ҳақли.

147. Тендерга таклифларни қабул қилиш порталда чоп этилган эълонда кўрсатилган муддат келиши билан тугатилади.

148. Тендер иштирокчиси тендер ўтказиш учун эълонда белгиланган шаклда буюртмачига тендер ҳужжатлари қоидаларига доир тушунтиришлар бериш тўғрисида сўров юборишга ҳақли. Мазкур сўров келиб тушган санадан эътиборан икки иш куни мобайнида буюртмачи, агар мазкур сўров буюртмачига таклифлар бериш муддати тугайдиган санадан камида икки кун олдин келиб тушган бўлса, тендер ҳужжатлари қоидаларига доир тушунтиришларни белгиланган шаклда юбориши шарт.

149. Буюртмачи томонидан тендер ўтказиш тартиб-таомилига нисбатан иштирокчилар томонидан таклифларнинг таъминланиши зарурлиги тарзида талаб белгиланган тақдирда, таклифлар юборилгунига қадар иштирокчи таъминотнинг мақбуллигини тасдиқлаш тўғрисида сўров юборишга ҳақли. Буюртмачи бундай сўровга дарҳол жавоб беради.

150. Тендерда, қуйидаги мезонларга мувофиқ бўлган иштирокчилар қатнаша олади:

шартномани бажариш учун зарур техникавий, молиявий, моддий, кадрлар ресурсларининг ҳамда бошқа ресурсларнинг мавжудлиги;

шартнома тузиш учун қонуний ҳуқуққа эгаллик;

солиқлар ва бошқа мажбурий тўловларни тўлаш бўйича қарздорликнинг мавжуд эмаслиги;

ўзига нисбатан жорий этилган банкротлик тартиб-таомилларининг мавжуд эмаслиги;

инсофсиз ижрочиларнинг ягона реестрида қайд этилмаганлиги.

## **XVI. боб. Тендер натижаларини сарҳисоб қилиш**

151. Агар таклифлар бериш муддати тугаган вақтда харид комиссияси тендер иштирокчиларидан тендер ҳужжатларида кўрсатилган талабларга мос келадиган камида иккита таклиф олган бўлса, тендер ўтказилган деб топилади.

152. Уч ёки ундан ортиқ тендер иштирокчилари — маҳаллий ишлаб чиқарувчилар бўлган тақдирда банк харидлари буюртмачининг танловига кўра маҳаллий ишлаб чиқарувчилар ўртасида амалга оширилиши мумкин.

153. Тендерда битта иштирокчи иштирок этган ёки биронта иштирокчи иштирок этмаган тақдирда тендер ўтказилмаган деб топилади. Бундай ҳолатда буюртмачи тендер ҳужжатидаги шартларда ҳамда товарга (ишга, хизматга) доир айна ўша мезонларга ва талабларга мувофиқ такроран амалга ошириши шарт.

154. Тендер ҳужжатларининг шартлари ўзгартирилмасдан такроран тендер ўтказилганда, такроран тендер ўтказиш тўғрисидаги эълон таклифлар қабул қилиш муддати тугайдиган санадан камида йигирма кун олдин буюртмачи томонидан порталга жойлаштирилади.

155. Товарга (ишга, хизматга) нисбатан баҳолаш шартлари, мезонлари ва талабларни ўзгартириш зарурати пайдо бўлганда тендер комиссияси томонидан асослар келтирган ҳолда тегишли қарор қабул қилади.

## **XVII. боб. Тендер иштирокчиларининг таклифларини очиш, кўриб чиқиш ва баҳолаш**

156. Тендер иштирокчиларининг таклифлари мавжуд бўлган конвертларини очиш тендер комиссияси мажлисида икки босқичда амалга оширилади.

157. Тендер иштирокчиларининг таклифларини кўриб чиқиш ва баҳолаш муддати таклифлар бериш тугаган пайтдан эътиборан олтмиш кундан кўп бўлиши мумкин эмас.

158. Эълонда тендерни ўтказиш вақти сифатида кўрсатилган вақтда тендер комиссияси тендер иштирокчилари томонидан берилган таклифлар солинган конвертларни уларни баҳолаш учун навбатма-навбат очади. Тендер иштирокчисининг ваколатли вакили таклифлар солинган конвертларни очиш тартиб-таомилида ҳозир бўлишга ҳақли.

159. Агар таклифни киритган тендер иштирокчиси ушбу Қонунда белгиланган талабларга мос келмаса ёки тендер иштирокчисининг таклифи тендер ҳужжатлари талабларига мос келмаса, тендер комиссияси таклифни рад этади.

160. Тендер таклифлари солинган конвертларни очиш жараёни Банкни стратегик ривожлантириш ва маркетинг департаменти томонидан видеоёзувга туширилади ва ҳамда ҳужжатлар билан бирга 5 йил давомида сақланади. Конвертларни очиш давомида иштирокчилар тақдим этган барча ҳужжатлар ва тижорат таклифининг нархи ўқиб эшиттирилади.

161. Тендер комиссияси таклифларни кўриш натижасида уларнинг ҳамма таклифлари рад этилганда ёки таклифлардан фақат бири талабга мувофиқ киритилган тақдирда тендер ўтказилмаган деб топилади.

162. Тендер комиссияси рад этилмаган таклифларни баҳолашни тендер ҳужжатларида кўрсатилган мезонлар асосида тендер ғолибини аниқлаш учун амалга оширади.

163. Тендер ҳужжатларини баҳолаш мақсадида тендер комиссияси комиссия аъзолари ва экспертлардан иборат бўлган баҳоловчи гуруҳ тузишга ҳақли.

164. Агар таклиф Қонуннинг ва тендер ҳужжатларининг талабларига мувофиқ келса, у тегишли тарзда расмийлаштирилган деб топилади.

165. Тендер таклифларни баҳолаш вақтида тендер комиссияси тендер иштирокчиларидан уларнинг тендер таклифлари бўйича қўшимча тушунтириш беришларини сўрашлари мумкин. Ушбу жараён тендер ташкилотчилари орқали ёзма равишда расмийлаштирилади. Тушунтириш бериш жараёнида берилган таклиф ва нарх бўйича ўзгартиришларга йўл қўйилмайди.

166. Тендер таклифлари тендер ҳужжатларида кўрсатилган муддатда ўз кучида қолади.

167. Биринчи босқичда иштирокчиларнинг техникавий, молиявий, моддий, кадрлар ва бошқа ресурсларга оид маълумотлар ва техник таклифлар жойлаштирилган конверт очилади.

168. Тендер комиссияси томонидан иштирокчиларнинг техникавий, молиявий, моддий, кадрлар ва бошқа ресурсларга оид маълумотлар ўрганилади ва техник қисми баҳоланади. Тендер комиссиясининг тендер таклифининг техник қисмини баҳолаш бўйича қарори баённома билан расмийлаштирилади, баённомада тендернинг биринчи босқичи ғолиблари аниқланади. Тендер иштирокчисининг ваколатли вакили таклифлар солинган конвертларни очиш тартиб-таомилида ҳозир бўлишга ҳақли.

169. Тендернинг биринчи босқичи ғолиблари тендернинг иккинчи босқичида қўйилади.

170. Тендернинг иккинчи босқичида таклифнинг нархга оид қисми очилади ва баҳоланади. Тендер комиссиясининг тендер таклифининг нархга оид қисмини баҳолаш бўйича қарори баённома билан расмийлаштирилади, баённомада тендернинг иккинчи босқичи ғолиби аниқланади. Тендер иштирокчисининг ваколатли вакили таклифлар солинган конвертларни очиш тартиб-таомилида иштирок этишга ҳақли.

171. Тендер ҳужжатларида ва таклифда кўрсатилган мезонлар асосида шартномани бажаришнинг энг яхши шартларини таклиф қилган тендер иштирокчиси ғолиб деб топилади.

172. Тендер комиссияси томонидан иштирокчи ва резервдаги иштирокчи аниқланади еки тендер ўтказилмаган деб топилади.

173. Агар тендер ҳужжатларида тендернинг ҳар бир товари (иши, хизмати) тендернинг алоҳида лоти сифатида кўриб чиқилиши назарда тутилган бўлса, тендер комиссияси ғолибни тендернинг ҳар бир лоти бўйича аниқлайди.

174. Ғолиб овоз бериш натижасида аниқланади. Тендер комиссиясининг ҳар бир аъзоси овоз беришда ёқлаб овоз бериши, қарши овоз бериши ёки унда иштирок этишдан бош тортиши мумкин. Тендер комиссиясининг раиси овоз беришда иштирок этишдан бош тортиш ҳуқуқига эга эмас.

175. Тендер комиссиясининг умумий сонидан келиб чиқиб кўпчиликнинг овози билан қарор қабул қилинади.

176. Котиб томонидан таклифларни кўриб чиқиш ва баҳолаш натижалари таклифларни кўриб чиқиш ҳамда баҳолаш баённомасида қайд этилади. Таклифларни кўриб чиқиш ва баҳолаш баённомаси тендер комиссиясининг барча аъзолари томонидан имзоланади ҳамда ундан олинган кўчирма у имзоланган кундан эътиборан уч иш куни ичида порталда эълон қилинади.

177. Таклифларни кўриб чиқиш ва баҳолаш баённомасида қуйидаги ахборот бўлиши керак:

тендер таклифлари кўриб чиқиладиган ҳамда баҳоланадиган сана ва вақт тўғрисидаги;

ҳозир бўлган харид комиссияси аъзоларининг ва тендер иштирокчилари ваколатли вакилларининг таркиби ҳақидаги;

таклифлари кўриб чиқилган тендер иштирокчилари тўғрисидаги;

таклифлари уларни рад этишнинг аниқ сабаблари кўрсатилган ҳолда рад этилган тендер иштирокчилари ҳақидаги;

тендер ғолиби тўғрисида қабул қилинган қарор ҳақидаги;

тендер ғолибининг номи (юридик шахс учун), фамилияси, исми, отасининг исми (жисмоний шахс учун), турган жойи (почта манзили).

178. Тендернинг исталган иштирокчиси таклифларни кўриб чиқиш ва баҳолаш баённомаси эълон қилинганидан сўнг буюртмачига тендер натижалари бўйича тушунтиришларни тақдим этиш тўғрисида сўров юборишга ҳақли.

179. Буюртмачи бундай сўров келиб тушган санадан эътиборан уч иш куни ичида тендер иштирокчисига тегишли тушунтиришларни тақдим этиши шарт.

### **XVIII. боб. Тендер натижалари бўйича шартнома тузиш**

180. Буюртмачи ғолиб бўлган таклиф акцептига қадар исталган вақтда тендерни бекор қилиш ҳуқуқига эга. Тендер бекор қилинган тақдирда буюртмачи порталда мазкур қарорнинг асослантирилган сабабларини эълон қилади.

181. Буюртмачи тендер бекор қилинганлиги учун жавобгар бўлмайди, бундан тендер буюртмачининг ғайриқонуний ҳаракатлари (ҳаракатсизлиги) оқибатида бекор қилинган ҳоллар мустасно.

182. Буюртмачи ўтказилган харид қилиш тартиб-таомиллари яқунлари бўйича ғолиб бўлган таклифнинг акцепти тўғрисида бир иш куни ичида қарор қабул қилади.

183. Ғолиб бўлган таклифнинг акцепти қуйидаги ҳолларда амалга оширилиши мумкин, агар:

банк харидлари бекор қилинмаган бўлса;

ғолиб бўлган таклифни юборган иштирокчи четлатилмаган бўлса;

тендер қилиш тартиб-таомили бузилмаган бўлса.

184. Тендер натижалари бўйича шартнома тендер ҳужжатларида ва шартнома тузилаётган тендер иштирокчиси томонидан берилган таклифда кўрсатилган шартлар асосида ғолиб аниқланган вақтдан бошлаб ўн кунлик муддатдан кечиктирмасдан тузилади

185. Банкни стратегик ривожлантириш ва маркетинг департаменти томонидан тендер натижалари тўғрисидаги ахборот порталда эълон қилинади ва шартномалар реестрига киритилади.

186. Тендер ғолиби тендер шартлари асосида шартнома тузишдан бош торган ҳолларда шартнома тузиш ҳуқуқи захира ижрочисига ўтади ва тендер ғолибига таъминот қайтариб берилмайди. Бунда захира ижрочисининг таклифи бўйича шартнома тузилиши ёки захира ижрочиси шартнома тузишдан бош тортиши мумкин.

187. Буюртмачи қуйидаги ҳолатлардан бири рўй берган тақдирда таклифни таъминлаш суммаси тўланишини талаб қилмайди ва таъминлаш тўғрисидаги ҳужжатни дарҳол қайтаради ёки унинг қайтарилишини таъминлайди:

таклифни таъминлашнинг амал қилиш муддати тугаган бўлса;

банк харидлари тўғрисидаги шартноманинг кучга кириши ва ушбу шартноманинг бажарилиши таъминланиши, агар бундай таъминлаш банк хариди шартларида талаб этилса;

банк харидларининг бекор қилиниши;

таклифларни юборишнинг охириги муддати тугагунига қадар таклифнинг чақириб олиниши, агар банк хариди шартларида бундай қайтариб олишга йўл қўйилмаслиги айтиб ўтилмаган бўлса.

188. Икки ёки ундан ортиқ буюртмачиларнинг харидлар режасига мувофиқ қўшма тендерлар ўтказилиши мумкин.

189. Қўшма тендерлар бир банк дастури ёки лойиҳалар портфелида иштирок этаётган буюртмачилар доирасида шакллантирилиши шарт.

190. Тендер иштирокчилари тендер шартлари ва тендерни ўтказиш тартиб-таомиллари бузилган ҳолатларда тендер натижалари устидан белгиланган тартибда шикоят қилишлари мумкин.

191. Тендер комиссияси банк харидларининг бошқа субъектлари томонидан амалга ошириладиган ҳаракатлар учун жавобгар бўлмайди.

192. Тендер комиссиясининг ўз ваколати доирасида қабул қиладиган қарорлари Қонуннинг 19-моддасига асосан барча иштирокчилар учун мажбурийдир.

## **XIX. боб. Ягона етказиб берувчи билан шартнома тузиш асослари**

193. Қонуннинг 67-моддаси иккинчи қисмига асосан ягона етказиб берувчи билан банк харидлари қуйидаги алоҳида ҳолларда амалга оширилади:

бозорда муқобиллари бўлмаган ва фақат ягона етказиб берувчидан харид қилиш мумкин бўлган техник жиҳатдан мураккаб товарларнинг (ишларнинг, хизматларнинг) банк хариди;

маданий қимматликларни олиш;

Ўзбекистон Республикаси Президентининг фармонлари, қарорлари ва фармойишлари ёки Ўзбекистон Республикаси Вазирлар Маҳкамасининг қарорлари асосидаги банк харидлари;

табiiй монополия субъекти товарларининг (ишларининг, хизматларининг) банк хариди;

ўз ваколатларига мувофиқ фақат давлат ҳокимияти ва бошқаруви органлари ёки уларнинг тасарруфидаги давлат муассасалари ва ташкилотлари томонидан бажарилиши мумкин бўлган ишларга ёки кўрсатилиши мумкин бўлган хизматларга эҳтиёж пайдо бўлиши;

товарларнинг (ишларнинг, хизматларнинг) Ўзбекистон Республикаси Вазирлар Маҳкамаси томонидан белгиланадиган тарифлар бўйича банк хариди.

194. Ваколатли орган томонидан Ўзбекистон Республикаси Вазирлар Маҳкамаси билан биргаликда ягона етказиб берувчи билан банк харидларини амалга оширишнинг бошқа ҳоллари ҳам белгиланиши мумкин.

## **XX. боб. Ягона етказиб берувчилар билан шартнома тузиш**

195. Ягона етказиб берувчилардан харидни амалга ошириш учун буюртмачилар ягона етказиб берувчилар реестридан (бундан буён матнда Реестр деб юритилади) фойдаланади.

196. Ягона етказиб берувчидан товар (иш, хизмат) олиш зарур бўлган тақдирда, у ва буюртмачи ўртасида порталда рўйхатга олинishi лозим бўлган тўғридан-тўғри шартнома тузилади.

197. Тўғридан-тўғри шартнома қонун ҳужжатлари билан белгиланган тартибда ёзма шаклда тузилади ва унда қуйидаги маълумотлар бўлиши керак:

- шартнома предмети;
- товарлар (ишлар, хизматлар) сони, сифати, ассортименти;
- етказиб бериладиган товарлар (ишлар, хизматлар) нархи;
- товарларни етказиб бериш, ишларни бажариш ва хизматларни кўрсатиш муддати;
- ҳисоб-китоб тартиби;
- томонларнинг мажбуриятлари;
- шартномавий мажбуриятлар бажарилмаган ёки лозим даражада бажарилмаганлиги учун томонларнинг жавобгарлиги;
- низоларни ҳал этиш тартиби;
- томонларнинг реквизиитлари;
- шартнома тузилган сана ва жой;
- харидлар тўғрисидаги шартномалар учун қонун ҳужжатлари билан белгиланган ёки томонлардан бирининг аризасига мувофиқ келишувга эришилиши лозим бўлган бошқа муҳим шартлар.

198. Ягона етказиб берувчи билан амалга оширилган харид натижасида тузилган шартномалар тўғрисидаги маълумот, шартнома тузилган кундан уч кунлик муддатдан кечиктирмасдан порталга жойлаштирилиши лозим.

## **XXI. боб. Яқуний қоидалар**

199. Банк харидларини расмийлаштириш, тузилган шартномалар бўйича ҳисоб-китоб қилиш, шартномавий мажбуриятлар бажарилишини мониторинг қилиш ва шикоятларни, низо ва келишмовчиликларни кўриб чиқиш қонун ҳужжатларига мувофиқ амалга оширилади.

200. Харид қилиш тартиб-таомили натижаси бўйича тузилган шартномага қўшимча келишув унинг муҳим шартларини ўзгартирмаса қонун ҳужжатларида белгиланган тартибда тузилиши мумкин.

201. Харид қилиш тартиб таомилларига мувофиқ, барча ҳужжатлар, жумладан, банк раҳбариятига киритилган билдиришнома, танлов ва тендер комиссияларнинг қарорлари, илова тариқасида тижорат таклифлари ва қўшимча маълумотлар банкнинг (филиалнинг) "Маъмурий Бошқарув Харажатлари" кунлик йиғмажилдига тикиш учун



Бухгалтерия ҳисоби ва ҳисоботи департаментига ташаббускор таркибий бўлинма орқали тақдим этилади.

202. Харид қилиш тартиб таомилларига мувофиқ, комиссияларнинг қарори Банкни стратегик ривожлантириш ва маркетинг департаменти томонидан "Танлов ва Тендер комиссияси қарорини рўйхатга олиш китоби"да рўйхатга олинади. Мазкур китоб рақамланган, тикилган ва муҳрланган бўлиши лозим.

203. Мазкур Низом талаблари бузилишида айбдор бўлган шахслар қонун ҳужжатларида белгиланган тартибда жавобгар бўлади.

**Келишилди:**

Бошқарув Раисининг  
биринчи ўринбосари

А.Т.Ташев

Бошқарув Раиси  
ўринбосари

А.Т.Рискулов

Бошқарув Раиси  
ўринбосари

С.Т.Калдыбаев

Бухгалтерия ҳисоби ва  
молиявий ҳисобот  
департаменти директори

Ш.Э.Бозоров

Ходимлар билан ишлаш  
департаменти директори

И.Т.Саламов

Юридик хизмат  
департаменти директори

Б.Н.Арипов

Ички аудит департаменти  
директори

Б.У.Ахмедов

Банк аппарати раҳбари

О.Р.Эргашев

Ҳазначилик ва қимматли  
қоғозлар департаменти директори

Д.А.Рустамов

Кредитлаш департаменти  
директори в.в.б.

А.А.Мухаммадиев

Инвеститция фаолиятини  
мувофиқлаштириш ва лойиҳаларни  
бошқариш маркази директори

А.А.Абдуразоков


Банк рискларини бошқариш  
департаменти директори

С.О.Сафаров

Чакана хизматлар кўрсатиш  
департаменти директори

Б.Б.Васиханов

Ташқи иқтисодий фаолият  
департаменти директори

 Б.Т.Шамуратов

Ахборот технологиялари  
департаменти директори

 З.Я.Ибрагимов

Ички назорат департаменти  
директори

 Ў.И.Тангиров

Банк хавфсизлиги ва ахборотларни  
муҳофаза қилиш бошқармаси бошлиғи

 А.У.Ходжакбаров

Ишлар бошқармаси бошлиғи

 А.А.Шаққулов

**Киритилди:**

Банкни стратегик  
ривожлантириш ва маркетинг  
департаменти директори в.в.б.

 Р.Ш.Файзиев

**«Туронбанк» АТБ тизимида  
харид қилиш тартиб-  
таомилларини ташкил этиш ва  
ўтказиш тартиби тўғрисидаги  
низомига 1-илова**

**«Туронбанк» АТБ Товар-моддий бойликлар ва хизматлар сотиб олиш бўйича  
танлов комиссияси**

\_\_\_\_\_ - сонли қарори

20\_\_\_\_ йил “\_\_\_\_\_” \_\_\_\_\_

**«Туронбанк» АТБ \_\_\_\_\_ филиалининг канцелярия моллари сотиб  
олиш учун шартнома тузиши тўғрисида**

«Туронбанк» АТБ \_\_\_\_\_ филиалининг 20\_\_\_\_ йил \_\_\_\_\_ даги  
\_\_\_\_\_ - сонли хати ва филиалнинг Товар-моддий бойликлар ва хизматлар сотиб  
олиш бўйича танлов комиссияси \_\_\_\_\_ - сонли баённомасида (товар, ишлар ва  
хизматлар) сотиб олиш учун ўтказилган танлов натижаларини тасдиқлаш сўраган  
ва қуйидаги ташкилотларнинг таклифлари тақдим этилган:

№	Товар номи	Ўлчов бирлиги	Миқдори	«_____» ХК		«_____» МЧЖ		«_____» ҚК	
				нархи	сумма	нархи	сумма	нархи	сумма
1									
2									
3									
4									
5									
6									
7									
8									
9									
<b>Жами:</b>									

«Туронбанк» АТБ Товар-моддий бойликлар ва хизматлар сотиб олиш бўйича танлов комиссияси аъзолари юқорида номлари келтирилган ташкилотлар вакиллари билан нархларини арзонлаштириш бўйича музокаралар олиб бордилар. Музокаралар натижасида ташкилотлар вакиллари чегирмалар бера олмасликларини билдирганлар.

Юқоридаги маълумотларни, «Туронбанк» АТБ \_\_\_\_\_ филиалининг  
20\_\_ йил \_\_\_\_\_ даги \_\_\_\_ - сонли хатини инобатга олиб, комиссия

### ҚАРОР ҚИЛАДИ:

1. «Туронбанк» АТБ \_\_\_\_\_ филиали томонидан канцелярия  
моллар сотиб олиш бўйича тақдим этилган маълумотлар ва 20\_\_ йил \_\_\_\_\_  
даги \_\_\_\_ - сонли хати маълумот учун қабул қилинсин.

2. «Туронбанк» АТБ \_\_\_\_\_ филиали ҳамда " \_\_\_\_\_ " МЧЖ  
ўртасида қуйидаги шартлар асосида:

	Товар номи	Ўлчов бирлиги	Миқдори	Нархи	Сумма

\_\_\_\_\_ сотиб олиш бўйича умумий \_\_\_\_\_ (сумма сўз билан  
ёзилади) сўмгача суммага амалдаги қонунчилик асосида шартнома тузилишига  
рухсат берилсин.

3. Белгиланган тартибда шартномалар тузилиши, шартнома шартларининг  
тўлиқ ва ўз вақтида бажарилиши устидан назорат «Туронбанк» АТБ  
\_\_\_\_\_ филиали бошқарувчиси \_\_\_\_\_ зиммасига  
юклатилсин.

Комиссия раиси:

\_\_\_\_\_

\_\_\_\_\_

Комиссия раиси ўринбосари

\_\_\_\_\_

\_\_\_\_\_

Комиссия аъзолари:

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

Комиссия котиби:

\_\_\_\_\_

\_\_\_\_\_